

清儒學案

世章



伍伍

清儒學案卷一百十一

天津徐世昌

魯陳學案

桐城學者多以文章名魯陳受學於惜抱而研經考史不爲方姚傳派所囿元伯繼之遂爲毛鄭專家之學於經師中高踞一席述魯陳學案

馬先生宗璉

馬宗璉字器之號魯陳桐城人初官東流縣教諭嘉慶己未成進士後三年卒少從舅氏姚郎中鼎學詩古文辭所作多沈博絕麗旣而精通古訓及地理之學鄉舉時以解論語過位升堂合於古制大興朱文正公爲考官亟拔之後從邵二雲任子田王石臞諸公游其學益進嘗以解經必先通訓詁而載籍極博

未有彙成一編者在京師偕同志孫淵如阮文達朱少白分韻
編錄適南歸中輟其後文達視學浙江萃諸名宿爲經籍纂詁
其凡例猶昔與先生手訂者也生平敦實學寡嗜好惟以著述
爲樂撰左氏傳補注三卷博徵漢魏諸儒之說不苟同立異論
者謂足與顧亭林惠定宇兩家之書相表裏又著有公羊補注
一卷毛鄭詩詁訓考證周禮鄭注疏證穀梁傳疏證說文字義
廣證戰國策地理考漢南海鬱林合浦蒼梧四郡沿革考嶺南
詩鈔諸書凡數十卷多散佚校經堂詩鈔二卷

參繆荃孫撰儒
學傳稟 馬其
昶撰桐城
耆舊傳

春秋左傳補注

賈服之注左傳猶康成之注六藝精確不可移易矣其地名
有京相璠爲之注釋酈元水經注引之於三家說融洽貫通

左傳學思過半矣元凱集解於漢晉諸儒解未能擇善而從其地理又未能揆度遠近妄爲影附此劉光伯規過之書所由作也東吳惠先生棟遵四代之家學廣搜賈服京君之注援引秦漢子書爲證繼先儒之絕學爲左氏之功臣余服膺廿載於惠君補注間有遺漏復妄參末議焉效子慎之作解誼家法是守鄧冲遠之爲疏證曲說鮮通是亦惠君所仰望於後學者也

隱元年爲之請制 郡國志河南苑陵有制澤酈元水經注苑陵作宛陵苑宛古字通酈元曰縣有二城二城以東悉多陂澤卽古制澤

三年傳四月鄭祭足帥師取溫之麥秋又取成周之禾 此傳用夏正之證賈公彥周禮正義云周雖建子爲正及其行事皆

用夏之正歲

六年傳納諸鄂 郡國志河南絳邑有翼城詩譜言晉穆侯遷都於絳暨孫孝侯改絳爲翼翼爲晉之舊都酈元汾水注詳言之惟鄂地未詳世本云唐叔虞居鄂宋忠曰鄂今在大夏案大夏在晉陽縣唐叔始封之地史記晉世家晉哀侯九年曲沃武公伐晉于汾旁虜哀侯是鄂地在汾旁之證其地去晉故絳都亦不甚遠故鄂侯之子仍號爲翼翼亦鄂近翼城之證八年經遇于垂 京相璠曰今濟陰句陽縣小城陽東五里有故垂亭酈元曰小陽城在句陽城東半里許杜注未詳傳以泰山之祊易許田 詩閟宮篇居常與許毛傳以許爲魯西鄙之邑鄭箋以許爲許田桓元年卒以許田與鄭矣無緣復爲魯有也魯頗多侈言之耳

十一年傳不書于策 正義云蔡邕獨斷云策簡也其制長二尺短者半之其次一長一短兩編下附鄭注中庸亦云策簡也蓋簡策同物而異名單就一札謂之簡連編諸簡乃名爲策聘禮記曰百名以上書于策不及百名書于方名字也字少則書簡字多則書策璉案書言甚晰若鄰國來告有篡弑兵荒之事則書於策衛甯殖所謂名藏在諸侯之策如國內有亂但執一片之簡而可書者則先書於簡南史氏執簡以往服虔注古文篆書一簡八字是也

桓二年傳其弟以千畝之戰生 顧亭林曰千畝當依趙世家周宣王伐戎及千畝括地志所謂在晉州岳陽縣北九十里是也閻百詩辨之曰千畝乃周之藉田離鎬京應不甚遠括地志所言太遠璉案郡國志太原介休有千畝聚劉昭言晉爲千畝

清儒學案卷一百十一
三
之戰在縣南括地志謂晉千畝在岳陽甚當是戰乃晉勝敵非若周宣之戰乃敵勝周百詩誤以爲周宣千畝之戰證其宜在藉田非是

莊八年傳戍葵邱 京相璠曰齊西五十里有葵邱若是無庸戍之胡廣言汾陰有葵邱或山陽西北葵城案汾陰漢屬河東爲晉地山陽爲邾魯二國地齊境不至此齊桓會諸侯於葵邱杜注葵邱在陳留外黃郡國志亦云外黃有葵邱聚案此葵邱爲齊宋交界之境亦爲中原襟要之區故齊襄使二人戍之若如杜注在臨淄縣西雖期年公問不至何至於作亂京君疑之是也

九年經公敗宋師於乘邱 應劭地理風俗記曰濟陰乘氏縣故宋乘邱邑漢志泰山郡乘氏縣顏籀注公敗宋師卽此地璉

案魯師自雩門竊出以敗宋師雩門魯城門則敗宋師必在魯之近郊括地志云乘邱在瑕邱縣西北水經泗水注泗水西南逕魯縣北又西過瑕邱縣東瑕邱與魯縣接界則乘邱爲魯近郊地故元凱直斷爲魯地濟陰乘氏應劭張華酈元雖皆言爲春秋之乘邱非魯近郊故未有言魯敗宋師於此小顏注不足據惠棟反據此以駁元凱魯地之非亦誤禮記正義亦云乘邱魯地

十九年傳大敗於津 酈元曰羅縣西三里有津鄉應劭曰南郡江陵有津鄉東觀津鄉當荆揚之咽喉後漢書岑彭傳彭自引兵還屯津鄉當荊州要會

卅年經公及齊侯遇於魯濟 案水經濟水注濟水又北逕微鄉東又北逕清亭東又北過穀城縣西又北逕周首亭西魯濟

蓋在微鄉清亭之間微鄉卽莊廿八年冬所築郿也公羊傳作微清卽公及宋公遇於清是也此皆魯地濟水所經故謂之魯濟若過穀城則謂之齊濟穀卽小穀與周首亭王子成父敗榮如處皆齊濟所經又案郡國志濟北國齊地爲多是魯濟又在濟水以南

閔二年經齊人遷陽 漢志東海郡都陽縣應劭注云齊人遷陽是城陽國陽都縣應劭注云齊人遷陽故陽國是惠棟云一國兩屬未詳孰是璉案城陽陽都縣應劭已明言此故陽國是爲陽之舊都其後齊人遷之是自城陽陽都遷於東海都陽故應注都爲齊人所遷酈元水經注亦以陽都爲陽故國齊人利其地而遷之與應說同

齊桓公遷邢於夷儀 漢志河內郡平皋縣應邵曰邢侯自襄

國徙此當齊桓公時衛人伐邢邢遷於夷儀其地屬晉號曰邢邱以其在河之皋處勢平夷故曰平皋臣瓚注云春秋狄人伐邢邢遷夷儀不至此今襄國西有夷儀城去襄國一百餘里平皋是邢邱非國也璉案郡國志河內平皋有邢邱故邢國周公子所封是平皋之邢邱本邢國也此非齊桓所遷之邢郡國志東郡聊城有夷儀聚計邢國所都亦只在聊城百里之內臣瓚謂在襄國西是也若平皋邢邱乃衛所滅復入於晉師古曰晉侯送女於邢邱卽此薛瓚駁應說甚精酈元不知春秋有兩邢國其河水注亦混兩國而統釋之其失始於應劭矣史記正義云邢邱在懷州武德縣東南廿里

僖二年伐鄭三門 說文鄭晉邑郡國志沛國有鄭聚劉昭補注引服虔曰鄭晉別都正義載服注云冀爲不道伐鄭三門謂

冀伐晉冀之既病亦唯君故謂虞助晉按劉昭妄引服注以釋
沛國鄆聚爲晉邑殊謬然服注鄆爲晉都與說文鄆爲晉邑此
爲有據杜以顛軫坂在大陽爲虞國地郡國志河東大陽縣有
下陽城有顛軫坂無鄆邑不可因其地近虞城遂臆斷爲虞邑
也安知冀爲不道非兼伐虞晉兩國地墨子兼愛篇灑爲底柱
水經河水注砥柱山在河東大陽縣東河中括地志云底柱山
俗名三門山硤石縣東北五十里黃河之中鄆之三門疑卽砥
柱也

四年北至於無棣 酈元曰清河又東北無棣溝出焉京相璠
曰舊說無棣在遼西孤竹縣二說參差未知所定然管仲以責
楚無棣在此方之爲近案酈注是無棣近南皮縣界

次於陘 史記楚世家兵侵楚至陘山戰國策曰楚地有汾陘

之塞爾疋山絕陁郭注連山中斷絕是凡山之中斷絕者皆可謂之陁徐廣曰陁者山絕之名括地志曰陁山在鄭州西南一百十里

方城 盛宏之荊州記曰葉東界有故城始犇縣東至瀕水達比陽界南北縣聯數百里號爲方城一謂之長城酈元曰楚盛周衰控霸南土欲爭強中國多築列城於北方以逼華夏故號此城爲萬城或作方字唐勒奏土論曰我是楚也世霸南土自越以至葉垂宏境萬里故號曰萬城是方城卽楚長城之證高誘淮南注以葉縣方城爲據是猶舉其一隅也

五年經楚人滅弦 酈元曰江水又東逕西陽郡南卽西陽縣也晉書地道記以爲弦子國通典光州光山縣漢西陽縣也春秋弦國之地仙居縣本漢軹縣今縣東有弦亭據水經注通典

漢之西陽軹縣皆弦子地元凱第釋弦國在軹縣東南是乃元和郡縣圖志所云弦國之都也

十五年盟於王城 酈元曰涑水又西逕王官城北在南原上世人猶謂其城曰王城杜注馮翊臨晉疑遠

廿四年傳凡蔣邢茅胙祭 此六國皆畿內諸侯周有凡伯毛伯祭伯杜注汲郡共縣東南有凡城郡國志河內共縣汎亭劉昭注爲凡伯邑水經淮水又東過期思縣北酈元曰縣故蔣國周公之後郡國志云河內州平羣有邢邱故邢國周公子所封說文云邢周公子所封地也近河內懷酈元曰洧陽曰有茅城經濮水又東逕胙亭東酈元曰故胙國富辰所謂邢茅胙祭周公之後也祭韋昭國語注以爲周公之後廣韻云周公第五子所封

文六年傳改蒐於董 司馬彪郡國志河東聞喜有董池陂古董澤劉昭引左傳改蒐於董董澤之蒲以注之是劉從司馬彪說以董與董澤同在聞喜也璉案酈元涑水注涑水西逕董澤陂南卽古池東西四里南北三里蒐於董卽斯澤也是酈元與司馬彪劉昭意同皆以董澤與蒐於董爲一地也元凱注改蒐於董在汾陰劉昭復於郡國志汾陰補注引之是又與聞喜縣注不同一地兩從蓋沿元凱之誤不若酈元注之簡明易曉也十六年傳魚人 水經江水又東逕魚復縣故城南酈元曰故魚國也是魚乃羣蠻之一非庸地劉昭注巴郡魚復云古庸國是猶沿元凱之誤

十八年傳公游於申池 此齊海濱之藪淮南子可證若襄十八年傳焚申池之竹木當如京杜注申池爲齊城門下言焚東

郭北郭可證酈元亦知焚申池之竹木非在海隅故其溜水注云不言北掠於海惠定字不知申池有二專以京注之說爲非未見明晰

宣元年傳會於棐林至遇於北林 酈元曰華水又東逕棐城

北卽北林亭也服虔曰北林鄭南地京相璠曰今滎陽苑陵縣有故林鄉在新鄭北故曰北林余案林鄉故城在新鄭東如北七十許里苑陵故城在東南五十許里不得新鄭北也考京服之說竝爲疎矣杜預曰滎陽中牟縣西南有林亭在鄭北今是亭南去新鄭縣故城四十許里蓋以南有林鄉亭故杜預據是爲北林最爲密矣

二年經戰於大棘 酈元曰過水又東逕太棘城南故鄢之大棘鄉後其地爲楚莊所并故圈稱曰大棘楚地過水又東逕安

平縣故城北陳留風俗傳曰大棘鄉故安平縣也郡國志陳留已吾有大棘鄉姚薑塢先生曰魏志文紀黃初四年三月甲午行幸襄邑已吾與襄邑接境已吾爲魏武起兵之地但言襄邑而不言已吾豈是時已併省乎璉案胡身之通鑑注已吾魏晉時省元和郡縣志已吾故城在寧陵縣西南四十里是已吾之地魏晉時已省入別縣而大棘則省入襄邑杜注甚精

舍於翳桑 疑首山近地杜注爲桑下意本史記王引之曰翳桑首陽近地此說是也杜注翳桑翳桑多蔭翳者公羊傳云子某時所食活我於暴桑下者也何注暴桑蒲蘇桑引案左氏公羊氏傳聞各異公羊氏云暴桑下謂桑樹下也故呂氏春秋報更篇昔趙孟將上之絳見飢桑之下有餓人淮南人閒訓趙宣孟活飢人於委桑之下皆用公羊說也其左氏云舍於翳桑又

清信堂集卷一百一十一
八
云翳桑之餓人也皆但言翳桑不言翳桑下則翳桑似是地名
知者僖二十二年左傳之謀於桑下以此例之儻是翳桑樹下
則當云舍於翳桑下且當云翳桑下之餓人今此是地名故不
言下也春秋時地名或取諸草木若宣二年經戰於大棘僖二
十四年傳晉師軍於廬柳哀八年傳吳師克東陽而進舍於五
梧又僖八年晉里克帥師以敗狄於采桑昭二十九年遂濟窮
桑史記秦本紀張儀與齊楚大臣會齧桑皆地名也乃史記晉
世家云初盾嘗田首山見桑下有餓人又云盾問其故曰我桑
下餓人用左氏文而改翳桑爲桑下則已誤以公羊之說爲左
氏之說矣杜氏之誤亦與史記同

十五年敗赤狄於曲梁 杜注曲梁在廣平蓋沿晉侯弟亂行
於曲梁而誤彼曲梁在廣平有雞澤可證此曲梁近潞不得遠